

նիրի կազմութեան և զեկամարութեան գործը գեռ հեծում է կենդրոնական ուղղութեան լուծի տակ: Անհատի ազատ զարգացումն և անհատական գործունէութեան անխնամակալ ընթացքը յատուկ անգլիոսաքսոնական է: որին հասնելու համար գեռ շատ պիտի աշխատեն այլ ազգեր: Մեր ուշագրութիւնն հետեւաբար այդ խնդրի վերաբերութեամբ պիտի դարձնենք ուսուցիչ պատրաստելու եղանակի այն պարզ ձևի վերայ, որ արգէն մշակուած է Անգլիայում և որին հետեւելու ոչ մի դժուարութիւն չկայ: Մեր ծխական դպրոցները մեծ կարիք ունին պատրաստուած և հմուտ ուսուցիչների որոնց սակայն դժուար է փոքրցում գտնել, ուստի միթէ հնարաւոր չէ մեզ համար ևս անգլիական ընթացքը: Մեզ թուում է, որ այդ հնարաւոր և գիրաւ իրագործելի է. եթէ մեր երկրասեան դպրոցներում աւարտողներից ընդունակներին մի քանի տարի պահենք նոյն դպրոցներում փորձուած ուսուցիչների ձեռքի տակ և ապա հնար տանք որ և է թեմական դպրոցում, Գ. ձեմարանում և տէրութեան ուսուցչանոցներում մանկավարժական գիտութեան և իրենց աւանդելի առարկայից ծանօթանալու, մեզ թուում է, թէ գիրաւ լուծած կը լինինք մի շատ կարեւոր խնդիր: Այդպիսի լուծումն շատ կը գիւրացնէ մանաւանդ վարժուհիների պատրաստութիւնը, որի համար մենք այժմ ոչ մի ելք չունինք:



ՄԱՆՐԱԿԱՆ ԴՊՈՒՄՆԵՐ

Ռեօնտգէնի գիւտը. — Ամբողջ լուսաւոր աշխարհում մեծ աղմուկ է հանել միջոցորդի համալսարանի ֆիզիկայի ուսուցչական Ռեօնտգէնի գիւտը: Անցեալ տարւան վերջին միայն հալորդեց նա իւր գտած լուսոյ նոր աղբիւրի եւ դրա մեղոցով լուսանկարելու մասին: Արդէն երեսուն տարի կը լինի, որ լուսոյ նոր աղբիւրի նշաններ յայտնի են գիտութեան մէջ եւ բազմաթիւ գիտնականներ իրենց նուիրել էին այդ խնդրի լուծման, որ վերջականապէս յաջողութեամբ Ռեօնտգէնին: Այդ նորագիտ լուսն անտեսանելի է մեր աչքին եւ թափ է անցնում փայտի գործարանաւոր մարմնների եւ մետաղների լաքի պատին: Ամբողջ: Անա այդ լուսնի մեղոցով, որ մի անոշ խողովակի

մէջ է ժողովուում, նա լուսանկարում է այն ապակիների վերայ, որ գործ են դրում լուսանկարչութեան մէջ: Այդ անոշ խողովակի մեղով պէտք է անցկացնել եւ ելեկարսականութեան մի ներածական հոսանք: Ենթոյն այդ նոր գիտի կարելի է արեղիների մէջ եղած իրերի պատկերն հանել, ինչպէս նաեւ փայտէ պատի միւս կողմում եղած իրերի պատկերը լուսանկարել: Պատկերազարդ հանդէսներն արդէն արտատալում են այդ ձեւով լուսանկարուած առարկաների պատկերները: Հետաքրքրական է մարդկային ձեռքի պատկերը, որի վերայ ձեռքի եւ մատների միայն ոսկրներն են երեւում իրենց բոլոր խաղերով: Այս գիտը մեծ նշանակութիւն ունի բժշկականութեան մէջ, որովհետեւ դրա շնորհիւ հնարաւոր կը լինի հնչտութեամբ եւ միջոց վերաբուժական գործողութիւնների ձեռնարկել եւ ներքին հիւանդութիւնները հետազոտել: Գեղեցիկան կայսրն այդ գիտի մասին կարդալով իւր մօտ հրաւիրեց Ռեօնտգէնին եւ պալատում փորձ անել տուաւ, որ յաջողութեամբ պատկերեց: Փորձից յետոյ կայսրը Ռեօնտգէնի պարանոցին ինքը կանց պարտական թագի նշանի 2 աստիճանն եւ իրեն սեղանակից արաւ: Հետագրներն հաղորդում են, որ այդ լուսանկարչութեան փորձեր են եղել Պետերբուրգում մեծ յաջողութեամբ:

Ղիժակագրական. — 1894 թուականի վիճակագրութիւնը Փրանսիային աւելի նպաստաւոր է, քան թէ նախկին տարիներին: Մինչդեռ ամենուրեք յեղինդում է այն կարծիքը, թէ ժամանակակից Փրանսիան դէպի մահն է գնում, որովհետեւ մեծնողներն աւելի են ծնունդները, այս նոր վիճակագրութիւնը ցոյց է տալիս, որ նորահիմներն 5% աւելի են ծնունդները: 1894 թուին Փրանսիայում ծնունդ են 855,588 չոցի եւ մեռել են 815,620: Նատարուած ամուսնութիւնների թիւն է 286,662, իսկ քաժամունդներինը 64,419: Այս թուերի համեմատութիւնից նախկին տարւան թուերի հետ երեւում է, որ 652 պսակ անցեալ տարի աւելի է եղել, իսկ մահերից պակսել են 54,908 եւ ծնունդներից 19,284:

Նեւոն ԺԳ. — Կոնդակները. — Հոռմին պապը տարին մի քանի ընդհանրականներ է հրատարակում. այդ ընդհանրականների նպատակը վերջին ժամանակներս եկեղեցեաց միութիւնն է: Այժմ Նեւոն ԺԳ. զբաղուած է կրկին մի կոնդակի խմբագրութեամբ, որ պիտի ուղղէ ամբողջ քրիստոնէութեան: Այս առթիւ լրագրներն հաղորդում են պապի կոնդակ գրելու եղանակը: Կոնդակի նիւթը մըշակելուց յետոյ պապը կանչում է իւր ծիրանաւորներից մէկին, որին ամենից աւելի է հաստատում եւ հաղորդում է նորան իւր ծրագիրը, սա գրում է կոնդակն իտալերէն եւ ներկայացնում է պապին, որ ուղղագրելուց յետոյ յանձնում է մի լատինագէտ ծիրանաւորի, որ թարգմանէ լատիներէն այդ թարգմանութիւնը տպագրում է եւ պապի սրբազրութեան յանձնում: Այս տպագրուած օրինակներից պապն ուղարկում է հեղինակաւոր անձանց եւ նորանց նկատողութիւններն ի նկատի առնելուց յետոյ միայն սրբազրում եւ կրկին երկու խորհելուց յետոյ միայն հրատարակում է:

Զինական համալսարան. — Ճափոնիայի յաղթանակը Հինաստանի վերայ իւր ազդեցութիւնն սկսել է գործել: շինացիք դուրս են գալիս իրենց փակուած դրութիւնից եւ քաղաքակրթութիւն են ուղղում: Առաջիկայ աշնանը թեան — Ժինում կը քաջուի առաջին շինական համալսարանը, որի համար նախապատրաստող դասընթացներ են հիմնուում ամենուրեք:

Ն կ ա բ ռ ու թ ի է ն . — Պետերբուրգում մեծ յաջողութիւն ունեցաւ Նորերս աշխարհահռչակ հայ Նկարիչ Այվազովսկու ցուցահանդէսը, ուր ծերունի ծովանկարիչն 78 պատկեր էր ի հանդէս հանել: Այդ ցուցահանդիսով Այվազովսկին իւր վրայ հրաշքեղ կրկին Ռուսաստանի եւ արտասահմանի մամուլի ուշադրութիւնը եւ արժանացաւ յատուկ պատիւներ ի Ռուսաց պալատի կողմից: Հաջիւ վերջացաւ Այվազովսկու ցուցահանդէսը, որ քաղցեց ռուս յայտնի Նկարիչ վերջնական պատկերահանկէսը, որ Նոյնպէս 78 Նկարից է բաղկացած: Ռուս Նկարչի յատուկ առարկան պատկերացման է, որի սարսափները Ներկայացնելով Նա կամենում է զգուանց յարուցանել պատկերագրի դէմ: Այս անգամ վերջնական Նիւթ է վերցրել Նապօլէոնի 4812 թ. արշաւանքը:

Ս ու ռ թ ի է ի բ ռ եւ թ ո յ ն . — Նորերս կրկին փորձեր են եղել հետազօտելու սուրճի ազդեցութիւնը մարդու վրայ: Այդ հետազօտութիւնից երեւում է, որ սուրճի չափազանց գործածութեան ազդեցութիւնը բոլորովին Նման է ոգելից ըմպելիների ազդեցութեան, որ Ներքործում է մէջքի ուղեղի վրայ, ախորժակը փոխում է, ցունք կտրում է, անդամները դողդողաւ է յառաջացնում եւլն եւլն: Այս ամէնի մէջ մի քան միջիմարական է, որ բոլոր այլ հիւանդութիւնները շուտով անհետանում են, եթէ մարդ դադարում է սուրճ խմելուց:

Եւ լ ե ճ տ ր ա կ ա ն ու թ ի է ն . — ազդեցութիւնը բոլորականութեան վրայ. — վաղուց է փորձեր են լինում իմանալու թէ ի՞նչ ազդեցութիւն ունի եւլնցտրականութիւնը քոյսերի վրայ: Փորձերն հաստատում են, որ եթէ եւլնցտրական հոսանքներ անցնենք այն արտօնով, ուր ցանուած են հացաքոյսեր, շատ Նշանաւոր արդիւնքներ կը ստանանք, մինչդեռ այլ քոյսերի վերաբերութեամբ հակառակ հետեւանքների կը հասնենք:

Վ ա ժ ա ու թ ի է ո ղ . — Օդի եւ թթուածնի հնդուկ դարձնելու փորձերի հետեւանքը պիտի լինի արհեստական օդակազմութիւնը: Պ. Լինդի եղանակով այժմ կարելի է օդի միջից մի ժամում 70 % թթուածին ունեցող մի խորանարդ մետր օդ ձեռք բերել: Այս ձեռով օդ ձեռք բերելը թանգ չը լինելով, մենք կարող ենք հարկւրաւոր փոքր օդ գնել, որ 70 % թթուածին ունենայ փոխանակ 24 % թթուածին ունեցող օդի, որ մենք սովորաբար շնչում ենք: Այս հանգամանքը մեծ Նշանակութիւն ունի բժշկութեան համար, որովհետեւ շատ հիւանդների ուղարկում են լեռներն ու ծովերի վրայ, որ օդով բժշկուին, այժմ ամէն տեղ կարող ենք լեռնային եւ ծովային օդ ունենալ:



Ա Ջ Գ Ա Յ Ի Ն

ՀԱՅԱՍՏԱՆԵԱՅՑ ԵԿԵՂԵՑԻՆ ԱՆՑԵԱԼ
ՏԱՐՈՒԱՆ ԸՆԹԱՑՔՈՒՄ.

Հայաստանայց եկեղեցին մի տառապալից տարի եւ բոլորեց, այսօր Նոր տարուան սեւմին երբ մի ափնարկ ենք ձգում անցած 1895 թուականի վրայ, ստիպուած ենք խոստովանել մեր հայրերի անդրգուելի համոզումը, թէ «եկեղեցին մարդու ձեռքի գործ չէ, ոչ թագաւորների պարգև եւ ոչ էլ արուեստների ճարտարագործութիւն, Նրա հիմունքը ոչ Ներքին կարող են շարժել եւ

ոչ վերինները խախտել»: Այս համոզումը մեր մէջ ամրապնդելու համար մի փաստ եւ աւելացաւ, դա էր այն սոսկալի հալածանքը, որին ենթարկուեց հայ եկեղեցին Տաճկաստանում, ուր մի յետին գիւղ, մի հեռաւոր քաղաք եւ մի մարգարանակ ագարակ անգամ չմնաց, որ չորոգուէր հայ քրիստոնէի արիւնով, Հնադարեան սրբավայրերն այրուեցան մոխիր դարձան, ս. սեղանի սրբութիւնը պղծուեց, Աստուծոյ պաշտօնեաները մորթուեցան եւ րանի քարոցիներն մարմնից տիկ հանուեց, Տասնեակ հազարներով Նոր Նահատակներ ունեցաւ մեր ս. եկեղեցին եւ շատ փոքրածիւ դասալիքներ միայն, որոնք հալածանքին չը գիմանալով մահմուտական դարձան, Այս թշուառութեան մէջ հայի միակ միջիմարութիւնն իւր հարց Աստուածը մնաց, որ անշուշտ գուժ պիտի ձգէ երկրիս զօրաւորների սիրտը թափուած արիւնը բաւական համարելու:

Այս գալիք աղէտները գուշակելով ազգիս անձնուէր Հայրապետ ձմերային դառնաշունչ օրերին ուղի ընկաւ եւ կիսամեայ ժամանակով պանդխտելով հասաւ մինչև ռուսաց մեծագոր Վայսեր պալատն, ուր սիրալիք ընդունելութիւն գտաւ եւ իւր հալածուած հօտին հովանաւորելու խնդրեց, Վայսերական յուսադիր խօսքերով միջիմարութեան Վեհափառ Հայրապետը դարձաւ կրկին իւր աթոռը:

Նորին Վեհափառութիւնն իւր ուղեւորութեան միջոցին այնպիսի միջիմարութիւն պատճառեց ցըրուած հայ հօտին, որ դարերէ ի վեր Նա չէր ստացել:

Եկեղեցական վարչութեան մէջ անցեալ տարի քիչ փոփոխութիւններ միայն եղան. ս. Լեւոնի միջոցի անդամներից միայն մէկը, Գերապ. Արիստակէս եպիսկոպոսն, արժանացաւ Նորին Վեհափառութեան շնորհին եւ արքեպիսկոպոսութեան պատիւն ստանալով Նշանակուեց առաջնորդ Աստուածախանութեան, Այսպէս սինոդում մնացին հին անդամներից միայն Գերապ. Երեմիա, Սարգիս, Արիստակէս եպիսկոպոսներն եւ բարձրապատիւ Վահան վարդապետը. Նոր անգամ հաստատուեցաւ բարձրապ. Աշոտ վարդապետը, իսկ միւս աթոռները զեռ եւ թափուր են մնացած:

Իւսմերի վարչութեանց մէջ եւ փոփոխութիւններ եղան. Համախու թեմակալ հաստատուեց Նորլոնայ սրբազան Մակար եպ. Բարխուդարեան, որ առաջարկուած էր իրրեւ ժամանակաւոր կառավարիչ, Աստուածախանութեան ժամանակաւոր կառավարիչ Նորլոնայ Խարէն եպիսկոպոսի փոխարէն թեմակալ հաստատուեց Գերապ. Արիստակէս սրբազան, իսկ Բեսարարիոյ թեմի կառավարիչ հաստատուեցաւ բարձրապ. Յուսիկ Վարդապետը: